



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Germanica

Châteillon, Sébastien

[S.l.], 1558

Capvt XXXVII.

[urn:nbn:de:hbz:466:1-54866](https://nbn-resolving.org/urn:nbn:de:hbz:466:1-54866)

THEOLOGIA

efficitq; vt libenter habeatur, & volenter feratur. Sed qui eam non amore habet, sed propter præmium habere se putat, huic est quàm grauiissima, ad eaq; libenter citò liberaretur: atq; hoc est cuiusq; mercenarij proprium, vt laboris sui finem exoptet, At verus amator neq; laborem, neq; tempus, aut dolorem ægrè fert. Hanc ob rem scriptum est: Deo seruire & viuere, est ei facile, qui id facit. Est istud quidem verum ei, qui amore facit: sed ei qui præmij causa facit, graue est. Idem sentiendum est de omnibus virtutibus & rectè factis, idemque etiam de integritate, æquitate, & similibus.

CAPVT XXXVII.

*Deus est
supra
omnem
ordinē.*

Dicitur, idq; verum est: Deum esse supra omnē, & absq; omni ritu, mensura, & ordine, & tamen dare omnibus rebus ritū, mensuram, ordinem, & rationem, id quod sic intelligendum est: Deus vult ea omnia habere, & tamē non potest ea in seipso sine creatura habere. Nā in Deo, sine creatura, nec ordo est, nec cōfusiō, nec ritus, nec nō ritus &c. Hanc
ob

ob rem vult, vt hæc esse, fieriq; possint & debeant: vbi enim verbum, opus, & actio est, ibi necesse est, vt hæc aut ordine, ritu, modo, & ratione fiant, aut sine ordine. Iam ordo, & ratio melior, & præstantior est, quam quæ sunt his cōtraria. Cæterum hoc animaduertendū est, esse hominum genera quatuor, qui ordinem, ritum, legemq; teneant. Nonnulli id faciunt, non propter Deum, neq; propter aliam vllam rē, sed propter coactionem. Atque hi quidē, quā possunt minimum faciunt, idq; illis acerbum est, & graue: alteri faciunt propter mercedem: atque hi sunt homines qui nihil aliud norūt nisi hoc ipsum: putantq; debere & posse hominem hoc pacto cœleste regnum, æternāq; vitam assequi & mereri: nō vlla alia re: quiq; harū rerum plurimum faciat, hunc esse beatum: qui verò aliquid omittat aut negligat, hunc perditum, & diaboli esse. Atque hi magnum hūc studium & diligentiam adhibent, & tamen eis acerba res est. Tertij sunt, mali falsiq; spiritus, qui se perfectos esse putant: atq; dicunt, & his rebus non egere, itaq; eas tantum

Quatuor hominum genera, quæ servant ordinem

tum pro ridiculis habent. Quarta homines sunt vero lumine collustrati, qui hæc non mercedis gratia obeunt, (nihil enim his consequi volunt) aut ut aliquid harum rerum opera obtineant: sed quicquid horum faciunt, amore faciunt, atque hi non adeo sunt solliciti, quam multa horum & quam citò fiant, & huius generis alia: sed quam benè, & ut cum pace modoque fieri possint. Quod si quo casu acciderit, ut aliquid horum & similitum negligatur, non idcirco pereunt satis enim sciunt, ordinem & rationem meliorem præstantiorēque esse, quam si quid nulla ratione fiat. Itaque rationem retinere volunt, & tamen sciunt felicitatem in eo non esse positam, ideoque non tantoperè anguntur ut cæteri: atque hi homines ab alijs selectis vituperantur & damnantur. Dicunt enim mercenarij: Hi homines omnino negligunt seipso: dicuntque aliquando eos esse iniustos, & huius generis alia. Alij verò, videlicet qui sunt liberiore spiritu præditi, dicunt deridendi gratia, eos stupidè stulteq; se gerere, et similia. At ipsi mediū, optimumque tenent: unus enim amator Dei

Dei melior est, Deoq; charior, quàm centū milia mercenariorū. Atq; idē de eorum operibus sentiendum est.

Hoc quoq; animaduertēdum est, Dei præceptū, orationēq; omniūque doctrinam eò spectare, vt interior homo cum Deo coadunetur. Quod vbi fit, ita bene componitur & docetur exterior homo ab interiore, vt is nullo exteriore præcepto aut doctrina egeat.

At hominū præceptio & lex pertinet ad exteriorem hominem: estq; necessaria, vbi meliora nesciuntur. Ibi enim nescitur quid agendum sit, aut omittendum, vt nisi adsit disciplina, sint homines canū aliarum, ue bestiarum similes.

CAPVT XXXVIII.

I Am falsi luminis facta mentio est, de quo dicendum est aliquid, quid nā id sit, & quid sit ei propriū. Scito, quicquid vero lumini contrarium est, id esse falsi proprium.

Veri luminis proprium omnino est, vt decipere nolit, neq; velle possit vt quisquā decipiatur, neq; item ipsum decipi possit. At falsum lumē

Falsi luminis descriptio.

deci-